

Heimilt er þó að gefa út kúabólusetningarvottorð á eldra vottorðsform til 1. janúar 1967. Vottorð útgefin á eldra formi gilda í 3 ár frá gildistökudegi.

3. gr.

Reglugerð þessi, sem sett er samkvæmt heimild í sóttvarnarlögum nr. 34 12. apríl 1954, gengur í gildi 1. ágúst 1966.

Í dóms- og kirkjumálaráðuneytinu, 8. júní 1966.

Jóhann Hafstein.

Jón Thors.

25. júlí 1966.

Nr. 154.

AUGLÝSING

um nýja lyfjaverðskrá II.

Frá og með 10. ágúst 1966 gengur í gildi ný lyfjaverðskrá II og fellur þá jafnframt úr gildi lyfsöluskrá II, útgefin 8. febrúar 1963, með áorðnum breytingum.

Í dóms- og kirkjumálaráðuneytinu, 25. júlí 1966.

F. h. r.

Baldur Möller.

Jón Thors.

15. júlí 1966.

Nr. 155.

AUGLÝSING

um umferð í Hafnarfirði.

Að fengnum tillögum bæjarstjórnar Hafnarfjarðar hafa verið settar eftirfarandi reglur um umferð samkv. heimild í 65. gr. umferðarlaga nr. 24 frá 2. maí 1958:

I. Aðalbrautarréttur hefur verið ákveðinn á Fjarðargötu.

Við umferð á akrein frá Fjarðargötu að Lækjargötu verði gætt ákvæða umferðarlaga um biðskyldu við mót akreinarinnar og Strandgötu.

Við umferð norður Strandgötu að Lækjargötu verði sömuleiðis gætt ákvæða umferðarlaga um biðskyldu við gatnamót Fjarðargötu og gatnamót Lækjargötu.

Við gatnamót Fjarðargötu og Strandgötu, sunnan þríhyrningsins, hefur umferð úr Fjarðargötu forgangsrétt fyrir umferð suður Strandgötu.

II. Einstefnuakstur hefur verið ákveðinn á Strandgötu frá norðri til suðurs frá gatnamótum Reykjavíkurvegar að norðan að gatnamótum Lækjargötu að sunnan.

III. Hægri beygja úr Þúfubarði suður Reykjanesbraut og vinstri beygja af Reykjanesbraut vestur Þúfubarð hafa verið bannaðar.